



Broj: 04-40-1-189/25
Sarajevo, 09.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 08.07.2025. do 08:30 sati 09.07.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 12 intervencija: jedna intervencija na gašenju niskog rastinja, dvije na gašenju kontejnera sa smećem, jedna na gašenju automobila, jedna tehnička intervencija i sedam intervencija obezbjeđenja (šest pretakanja goriva na Aerodromu i jedan javni događaj).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 08.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Uočene su geološke promjene, uključujući formiranje pukotina usljed atmosferskih uticaja i pucanja tla (na dijelu „Curine njive ispod igrališta“ – dio šumskog zemljišta).

U skladu sa Izvještajem o radu Interinstitucionalne radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine, izvršeno je izvođenje drenažnih kanala i kontrolisana odvodnja vode iz tijela klizišta do najbližeg recipijenta. Usljed atmosferskih uticaja prisutna je erozija dijela zemljišta.

Stanje nepromjenjeno – vizuelno isto kao predhodnih dana. Obilaskom lokaliteta klizišta, vizuelnim pregledom je ustanovljeno da iz tri pravca podnožja deponije Knjeginjac izviru manji potoci. Usljed trenutnih padavina, zabilježen je povećan kapacitet vode, a primjećeno je da se dodatna količina vode slijeva sa ceste koja vodi prema Trebevicu, te se kroz prokopani dio puta ulijeva direktno u zonu klizišta. Na lokalitetu igrališta uočeno je zadržavanje vode u vidu manjih plavnih površina i lokvi. U donjem dijelu

klizišta, neposredno ispod igrališta, tlo je konstantno vlažno i blatnjavo, a vidljiva je i blaga erozija, osipanje zemljane mase niz padinu. Zabilježeno stanje ukazuje na aktivne površinske i podzemne vodene tokove, ali i promjene u strukturi tla koje potencijalno ugrožavaju stabilnost terena. Do sada je prijavljeno pucanje tri kuće, dvije u ulici Ablakovina čikma na br. 16 i 28 i jedne kuće u ulici Ablakovina na broju 8.

Ocjena rizika: Lokalitet je ocijenjen kao uslovno kritičan zbog geoloških procesa te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Na deponiji Knjeginjac nisu zabilježene značajne promjene u proteklom periodu. Prilikom obilaska lokaliteta deponije Knjeginjac, utvrđeno je da je uslijed trenutnih padavina došlo do pojave većih količina površinske vode. Voda je vidljivo prisutna u rigolu iznad ceste, a u donjem dijelu deponije zabilježena je pojačana akumulacija vode, koja je i inače stalno prisutna, ali je trenutno u značajno većem kapacitetu. Takođe, primijećeni su znaci erozije na samoj deponiji, odnosno osipanje zemljane mase niz padinu, što ukazuje na aktivne procese destabilizacije terena. Trenutno stanje zahtijeva redovno praćenje lokaliteta.

Preporučuje se redovno praćenje stanja tla i drenaže, uz razmatranje dodatnih mjera za stabilizaciju donjih zona deponije.

Radovi: U skladu sa Izvještajem o radu Interinstitucionalne - radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine na predmetnom lokalitetu su izvedeni radovi na drenažnim kanalima, čime se obezbijedila efikasna odvodnja površinskih voda.

Na donjem dijelu deponijskog materijala, stručni tim Instituta za geotehniku i geološko inženjerstvo sa Građevinskog fakulteta u Sarajevu proveo je geotehnička istraživanja tla, uključujući izradu geoloških bušotina, i prikupio podatke potrebne za procjenu svojstava tla i izradio projekt sanacije aktivnog klizišta.

Ocjena rizika: Slijeganje deponijskog materijala i erozija uslijed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima.

Nisu evidentirane nove degradacije, niti su poduzete aktivnosti na uklanjanju postojećih prepreka.

Prilikom obilaska Bistričkog potoka, zabilježen je manji protok vode uslijed trenutnih padavina. Iako su količine vode ograničene, protok je nesmetan na dionici od mosta na Boguševcu do Latinske ćuprije – korito je prohodno i bez vidljivih prepreka. Međutim, u gornjem dijelu toka, iznad mosta na lokalitetu koji administrativno pripada općini Istočni Stari Grad, i dalje su prisutna oborena stabla kao i veće stijene u samom koritu potoka. Navedeni materijal nalazi se neposredno ispod objekta u izgradnji "Trebević Hills" i predstavlja potencijalni rizik za protok vode, naročito u slučaju većih padavina. Preporučuje se hitno uklanjanje navedenih prepreka, kao i redovno praćenje stanja korita radi održavanja protočnosti i prevencije mogućih problema u urbanim zonama nizvodno.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale usljed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

JU Zavod za javno zdravstvo Kantona Sarajevo: U dvadesetsedmoj kalendarskoj sedmici (periodu od 30.06. do 06.07.2025. godine) Zavodu za javno zdravstvo Kantona Sarajevo dostavljeno je ukupno 43 prijava zaraznih bolesti obaveznih prijavljivanju, od toga: tri angina streptococcica, tri brucellosis, osam enterocolitis acuta, jedan herpes zoster, 15 infectio nosocomialis, 10 leptospirosis, jedan meningitis (dr.bakterijski) i dva scarlatina. U navedenom periodu je također, ukupno prijavljena 39 slučajeva oboljelih od varicellae (varičela, vodene kozice).

Broj oboljelih u Kantonu Sarajevo od Leptospiroze na dan 08.07.2025 godine prikazan je u sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 08.07.2025. godine	Broj prijavljenih slučajeva Leptospiroza po općinama						
	Novi Grad	Centar	Ilidža	Stari Grad	Novo Sarajevo	Ilijaš	Vogošća
109	76	10	9	5	7	1	1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 12°C, vlažnost zraka 100%, barometarski pritisak 939,2 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja manifestacije "Ilijaški dani 2025", u vremenu od 10:00 do 24:00 sata obustavljen je saobraćaj u ulici 126. Ilijaške brigade.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a